



2017 йил „ 18 “ июль

№ ПҚ-З138

„ \_\_\_\_\_ “ \_\_\_\_\_ 20 \_\_\_\_\_ г.

**Ўзбекистон ёшлар иттифоқи фаолиятини такомиллаштиришга  
доир комплекс чора-тадбирлар тўғрисида**

Ўзбекистонда ёшларга оид давлат сиёсатини изчил ва самарали амалга ошириш, ёшларни ҳар томонлама қўллаб-қувватлаш, уларнинг ҳуқуқ ва қонуний манфаатларини ҳимоя қилиш, мамлакатимиз истиқболи учун масъулиятни ўз зиммасига олишга қодир, ташаббускор, шижоатли ёшларни тарбиялаш ҳамда Ўзбекистон ёшлар иттифоқи фаолиятини ҳар томонлама қўллаб-қувватлаш мақсадида, давлат ва жамоат ташкилотларининг тақлифларини инобатга олиб:

1. Ўзбекистон ёшлар иттифоқи фаолиятини такомиллаштиришга доир комплекс чора-тадбирлар дастури (кейинги ўринларда – Дастур деб юритилади) 1-иловага мувофиқ маъқуллансин.

2. Дастур ижросини таъминлаш бўйича Республика ишчи гуруҳи таркиби 2-иловага мувофиқ тасдиқлансин.

3. Республика ишчи гуруҳи (А.Н.Арипов):

Дастурда назарда тутилган тадбирларнинг юқори савияда ва белгиланган муддатларда амалга оширилишини таъминласин;

Ўзбекистон Республикаси Президенти девонига ҳар чорак якуни бўйича ахборот киритиб борсин.

4. Вазирлик ва идоралар, маҳаллий давлат ҳокимияти органлари ва бошқа манфаатдор ташкилотлар раҳбарлари зиммасига Дастурда кўрсатилган тадбирларнинг юқори савияда ва белгиланган муддатларда амалга оширилиши юзасидан шахсий масъулият юклансин.

5. Ўзбекистон миллий ахборот агентлиги, Ўзбекистон миллий телерадиокомпанияси ва оммавий ахборот воситаларига Дастур тадбирларининг амалга оширилишини мунтазам равишда ёритиб бориш тавсия этилсин.

6. Мазкур қарор ижросини назорат қилиш Ўзбекистон Республикаси Бош вазири А.Н.Арипов ва Ўзбекистон Республикаси Президентининг Давлат маслаҳатчиси К.К.Куранбаев зиммасига юклансин.

Ўзбекистон Республикаси  
Президенти



Ш. Мирзиёев

**Ўзбекистон ёшлар иттифоқи фаолиятини такомиллаштиришга  
доир комплекс чора-тадбирлар  
ДАСТУРИ**

№	Тадбирлар номи	Амалга ошириш механизми	Бажариш мuddатлари	Молиялаш-тириш манбалари	Масъул ижрочилар
<b>I. Ўзбекистон ёшлар иттифоқи фаолиятига оид ташкилий-ҳуқуқий базани шакллантириш</b>					
1.	Вазирлик, идора ва ташкилотлар, хўжалик бошқарув органлари томонидан йўналишлари бўйича ёшларга оид давлат сиёсатини амалга ошириш юзасидан чора-тадбирлар дастурини Ўзбекистон ёшлар иттифоқи Марказий Кенгаши билан келишиб ишлаб чиқиш ва тасдиқлаш.	Чора-тадбирлар дастурлари	2017 йил август	-	Вазирлик, идора ва ташкилотлар, хўжалик бошқаруви органлари, Ўзбекистон ёшлар иттифоқи (К.Куранбаев)
2.	Вазирлик, идора ва ташкилотларда Ўзбекистон ёшлар иттифоқининг бошланғич ташкилотлари фаолиятини ташкил этиш мақсадида уларнинг ташкилий тузилмаси ҳамда фаолиятини тартибга солувчи низомлар ишлаб чиқиш ва тасдиқлаш.	Ҳамкорликдаги кўшма қарорлар	2017 йил август	-	Ўзбекистон ёшлар иттифоқи (К.Куранбаев), вазирлик, идора ва ташкилотлар, хўжалик бошқаруви органлари
3.	Вазирлик, идора ва ташкилотларнинг республика бошқарув органларида Ўзбекистон ёшлар иттифоқининг тегишли тизимлардаги бошланғич ташкилотлари фаолиятини мувофиқлаштириш бўйича Етакчилар кенгашлари фаолиятини йўлга қўйиш.	Вазирлик, идоралар ва ташкилотларнинг ички норматив-ҳуқуқий ҳужжатлари	2017 йил сентябрь	-	Ўзбекистон ёшлар иттифоқи (К.Куранбаев), вазирлик, идора ва ташкилотлар, хўжалик бошқаруви органлари
4.	Ўзбекистон ёшлар иттифоқи Марказий Кенгашининг давлат органлари, нодавлат ногижорат ташкилотлари ва фуқаролик жамиятининг бошқа институтлари билан ўзаро тизимли ҳамкорликни ривожлантиришни назарда тутадиган ҳамкорлик битимлари ва кўшма қарорларни ишлаб чиқиш ва тасдиқлаш.	Ҳамкорлик битимлари ва кўшма қарорлар	2017 йил сентябрь	-	Ўзбекистон ёшлар иттифоқи (К.Куранбаев), вазирлик, идора ва ташкилотлар, хўжалик бошқаруви органлари, сиёсий партиялар, Қорақалпоғистон Республикаси Вазирлар

№	Тадбирлар номи	Амалга ошириш механизми	Бажариш муддатлари	Молиялаштириш манбалари	Масъул ижрочилар
5.	Вазирлик, идора ва ташкилотлар тизимларида фаолият юритаётган Ўзбекистон ёшлар иттифоқининг бошланғич ташкилот етакчиларини юқори лавозимларга захирага киритилишини таъминлаш.	Вазирлик, идоралар ва ташкилотларнинг ички норматив-ҳуқуқий ҳужжаглари	2018 йил январь	-	Кенгаши, вилоятлар ва Тошкент шаҳар ҳокимликлари Ўзбекистон ёшлар иттифоқи (К.Куранбаев), Ўзбекистон Республикаси Президентини ҳузуридаги Давлат бошқаруви академияси (Р.Касимов), вазирлик, идора ва ташкилотлар, хўжалик бошқаруви органлари
6.	Ёш салоҳиятли кадрларни қўллаб-қувватлаш мақсадида Ўзбекистон ёшлар иттифоқи Марказий Кенгаши аппаратида республика ҳудудларидан келиб фаолият юритаётган ходимларни Тошкент шаҳри ва Тошкент вилоятига доимий пропискага қўйиш бўйича Ўзбекистон Республикаси Вазирлар Маҳкамасининг 2016 йил 7 октябрдаги 336-сон қарори билан тасдиқланган рўйхатга Ўзбекистон ёшлар иттифоқини киритиш.	Вазирлар Маҳкамаси қарори лойиҳаси	2017 йил сентябрь	-	Ички ишлар вазирлиги (А.Азизов), Миллий хавфсизлик хизмати (Р.Иноятов), Адлия вазирлиги (М.Икромов), Ўзбекистон ёшлар иттифоқи (К.Куранбаев)
7.	Ўзбекистон ёшлар иттифоқи тизимларида самарали фаолият юритаётган ходимларни қўллаб-қувватлаш мақсадида уларни давлат бошқаруви органларидаги кадрлар захирасига киритиш механизминини жорий этиш.	Ёшлар масалалари бўйича республика идоралараро кенгаш қарори	2017 йил октябрь	-	Ўзбекистон ёшлар иттифоқи (К.Куранбаев), вазирлик, идора ва ташкилотлар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
8.	Ўзбекистон ёшлар иттифоқи Марказий Кенгашининг Вазирлар Маҳкамаси ҳузуридаги олий ўқув юртларига қабул бўйича давлат комиссиясига мурожаати асосида	Вазирлар Маҳкамасининг қарори лойиҳаси	2017 йил октябрь	-	Олий ва ўрта махсус таълим вазирлиги (И.Мажидов), Ўзбекистон ёшлар

